

Gvangjsih Minzcuz Bau

ganhhau: CN45-0036 B.2013 Nd.6 Ng.26 liggaeuq gveiqceih nienz ndwenngux cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3079期

Nanzningz Si Ok Aen Banhfap Guenjieix Sawcuengh Sevei Sawjyung

南宁市出台壮文社会使用管理办法

Vih gveihfan nem dungjyiz, doigvangq Sawcuengh youq sevei sawjyung, geij ngoenz gonq, Nanzningz Si Cwngfuj cangzvu veiyi saemjlnh doenggvaq 《Nanzningz Si Sawcuengh Sevei Sawjyung Guenjieix Banhfap》(lajneix heuhguh 《Banhfap》), yaek youq 7 nyied 1 hauh hainduj saedhengz. 《Banhfap》 gveihding, gizdieg gunghung cungyau haenx, gij baiz mingz wnggai caemh sij Sawcuengh nem Sawgun.

Roek giz caemh yung

《Banhfap》 gveihding, gij dieg, sezsih lajneix aeu caemh sij Sawcuengh nem Sawgun: Baiz sij mingz hingzcwng gihva; baiz nem gunghcangh guekgya gihgvanh, swyez danhvei; gij mingz vangjan, bauqceij si, yienh(gih) cwngfuj; gij baiz gihcangz, hojcehcan, gicehcan, gangjgouj, sokruz, bozvuzgvanj, canjlanjgvanj, duzsuhgvanj, dijuzgvanj daengj gunghung cangzsoj; gij baiz, fukvang veiyi nem hozdung hung youz si, yienh(gih) banh haenx; gij cingzgvang wnggai caemh yung

Sawcuengh nem Sawgun haenx.

“Song saw” aeu sij doiq

《Banhfap》 iugouz, gwnz sevei yung Sawcuengh, wngdang byauh-cunj, gveihfan, cihsaw aeu sij liux, cingcuj. Caemh aen neiyungz he, eiqsei Sawcuengh nem Sawgun aeu doxdongz.

Ciuq 《Banhfap》 gveihding, mbouj doengzseiz yung Sawcuengh nem Sawgun, couh deng youq duenh seizgan he gaj doiq bae; danghnaeuz mbouj gaj dauq, couh ginggau, caemh fadngaenz 500 maenz doxhwnj 1000 maenz doxdaug. Youq gizdieg sezsih gveihding venj baiz, sij saw, venj baiz, coq baiz mbouj doiq haenx, deng youq duenh seizgan he gaj doiq bae; danghnaeuz mbouj gaj dauq, couh ginggau, caemh fadngaenz 300 maenz doxhwnj 500 maenz doxdaug.

Vujmingz Yen sawq hengz gonq

Ciuq cam rox, gaenh duenh seizgan Swcigih Minzyijveij yaek daihlig senhconz aen 《Banhfap》 neix, vanzlij gawjhengz beizyinbanh, cug-

mbaek doihaeuj. Nanzningz Si Minzyijveij yaek dawz Vujmingz Yen dangguh aen yienh sifan yung nem guenj Sawcuengh haenx, genj diuz baj song diuz gai okdaeuj, youq gwnz baiz gizdieg gunghung cienzmienh sawjyung Sawcuengh nem Sawgun, vih daengx si sawjyung Sawcuengh nem Sawgun daezhawj sifan cozyung.

Minzyijveij coengh cijdauj

Gij danhvei ciuq 《Banhfap》 gveihding aeu yung Sawcuengh nem Sawgun sij baiz caeuq giyez nem vunz gyaenz youq gwnz baiz sij Sawcuengh nem Sawgun haenx, baenzlawz gaj saw gwnz baiz? Nanzningz Si Minzyijveij coengh fanhoiz Sawcuengh, caemhcaiq cijdauj baenzlawz youq gwnz baiz coq song cungj saw.

Ciuq cam rox, youq 《Banhfap》 saedhengz bi he doxdaug, Swcigih Minzyijveij cujyau cijdauj, gajindei baenzlawz yung Sawcuengh guh, mboujduenh doihaeuj Sawcuengh ndaej doigvangq nem gveihfan.

(Lij Bingzbingz)

SIUSIK DINJ

简讯

● 6 nyied 19 hauh, Bingz-siengz Si Yasiz Cin Cwngfuj, Yasiz Segih doengzcaeaz gawjbanh “Yasiz Cin daihsei qaiq eu fwen yisuzcez nem mbanjranz gyaendei” eu fwen doxdax, miz gyawj 100 lai boux canghfwen camgya, gyawj 2000 boux ginzcong daeuj ngonzyawj, yienhciegz gig nauhyied. Baez hozdung neix hawj vunz lai engq yawjnaek veiswng, hix hungzyangz le vwnzva conzdung minzcuz henzguk.

(Vangz Meijcinh)

● 6 nyied 21 hauh, Yungzsuij Myauzcuz Swciyen Swyungz Yang Dangjveij, Cwngfuj caeuq cwnghez, linzyez, veiswng daengj bumwnz danhvei gungh 130 lai boux dangjyenz caeuq ginzcong dangdieg faenbied youq Lanjgouj, Siujsuh, Anhdangz daengj 7 aen cunh mbanj baet nyapnyaj, gungh baet bae 20 lai dun nyapnyaj, aeu gij fuengsik daegbied neix angqcoux dangj laebbaenz 92 hopbi.

(Lungz Linzci Yangz Baujanh)

● 6 nyied 13 hauh, ciengz Gvangjsih eu fwen doxdax aeu “Cungguk siengjmuengh · Gvangjsih gyaendei · lajmbanj seuqsat” guh cawjdaez haenx youq Siengcouh Yen hai daiz. Ginggvaq doxdax, Majsanh Yen Sanhgohdui ndaej gimciengj, canghfwen Vangz Vwnzgvangh ndaej heuhguh “Gvangjsih fwenvuengz”.

(Banh Bingjcinz)

● 6 nyied 20 hauh, Ningz-mingz Yen Minzcuzgiz cujcz gyoengq ganbu cizgungh ndaw danhvei nem danhvei baihlaj, bae aen cunh doxlien Nazgan Yang Swvei Cuh, guh “Gvangjsih gyaendei · lajmbanj seuqsat” hozdung, caeuq yangh ganbu nem vunz lai ndaw cunh itheij baet mbanj.

(Luz Yezvaz)

● 6 nyied 19 hauh, youq gwnz “Cungguk mbanjranz vwnzva minzsuz” fat baiz yizsi, Nanzningz Si Lungzanh Yen, Liengzging Gih, Yunghningz Gih faenbied ndaej heuhguh “Cungguk mbanjranz vwnzva naz”, “Cungguk mbanjranz fwen Leuloz”, “Cungguk mbanjranz vwnzva Betaem”.

(Banh Bingjcinz)

Swcigih Minzveij Minzyijveij Hidungj Yencugiz Ganbu Beizyinbanh Haiban

自治区民委民语委系统县处级干部培训班开班



Bonjbauq siusik (gicej Yangz Lanzgvei) 6 nyied 24 hauh, Swcigih Minzveij, Minzyijveij youq Gvangjsih Minzcuz Dayoz doengzcaeaz gawjbanh “2013 nienz daengx gih minzveij, minzyijveij hidungj yencugiz ganbu beizyinbanh”. Daengx gih minzveij, minzyijveij cujyin, Swcigih Minzveij, Minzyijveij gihgvanh nem cigguenj danhvei doenghboux ganbu fucug doxhwnj haenx gyawj 80 vunz camgya beizyin. Beizyinbanh cingj le mizgven conghyah yozcej hopheux Gvangjsih minzcuz doxgiet gingnlemh, feihvuzciz vwnzva yizcanj henhoh nem fazcanj, saujsu minzcuz ginghci cwngcwz, minzcuz yijyen cwngcwz fazgveih, Gvangjsih gij cingzgvang vah saw minzcuz, hag Dangj Cibbet Daih cingsaenz daengj ciendaenz hwnjdangz. Baez beizyin neix gungh 4 ngoenz, daengz 6 nyied 27 hauh sat. Ndaw doz dwg beizyinbanh haiban yizsi yienhciegz.

Yungzsuij: Yenzsu Myauzcuz Yinx Hekyouz

融水：苗族元素引游客

Gaenh bi daeuj, Yungzsuij Myauzcuz Swciyen youq cwngzcinv gensez ndawde yawjnaek suphaeuj yenzsu Myauzcuz nem henhoh vwnzva Myauzcuz, coicaenh lijyouzyez fazcanj, dan bi' gvaq couh roengz 3 ik

maenz fazcanj lijyouzyez, ciepdaih hekyouz 134.1 fanh vunzbaez, doengzbeij demhwnj 11.2%, saed-yienh lijyouz cungjsouhaeuj 5.22 ik maenz, doengzbeij demhwnj 26.7%, caemhcaiq ndaej haenh guh

“Gvangjsih aen yienh lijyouz maenhndei”, “Cunghgoz gizdieg luzswz swngdai lijyouz ceiqndei”, “Cunghgoz gizdieg minzsuz funghcingz lijyouz ceiqndei”.

(Liu Swjyen)